



UNIVERSITÄTS-
BIBLIOTHEK
PADERBORN

De Iustitia Et Iure ceterisq[ue] Virtutibus Cardinalibus

Lessius, Leonardus

Antverpiæ, 1632

7 Vtrüm Iuris vel Uidicis auctoritas excuset à restitutione.

[urn:nbn:de:hbz:466:1-72459](https://nbn-resolving.de/urn:nbn:de:hbz:466:1-72459)

impediendum, & cum molestijs & calumnijs coniuncta.

59 *Tertia pars, Quod interdum tenearis ex iustitia differre restitutionem, patet; vt si furens ira in inimicum, reposcat depositum gladium, tunc enim reddere, censetur esse propinqua cooperatio. vide Nauarum supra, & L. Si pignore, 54. §. 4. n. de furtis. vbi dicitur: Qui ferramenta sciens commodauerit ad effringendum ostium vel armarium: vel scalam sciens commodauerit ad ascendendum, licet nullum eius consilium principaliter interuenierit ad furtum faciendum, furti tamen actione tenetur, quod intelligi, nisi ex recusatione graue malum tibi impendere: tunc enim illa reddere vel commadare non censetur cooperatio: quia est actio per se indifferens.*

D V B I T A T I O V.

Vtrum si id, quod tibi debeo, soluam tuo creditori, liberer à restitutione tibi facienda.

60 *R*espondeo, Hæc solutio me liberat in foro conscientia, si mihi constet te illi debere. Ita Angelus v. Solutio.n. 13. ex Glossa Instit. Quibus modis tollatur obligat. Siluest. v. Solutio.num. 4. Medina quæst. 3. causa 5. vt si tibi debeam 100. & tu tantumdem debetas meo fratri; si soluam fratri, tibi non amplius obligor. Ratio est; quia dum soluo tuo creditori 100. cui debes tantumdem, transfero in me ius, quod ille in te habebat ad exigendum à te 100. vnde si tibi tantumdem debeam, possum vti compensatione. nam ius, quod ego in te tunc habeo, tanti valer, quanti illud quod tu in me. Itaque in conscientia tibi non amplius obligor. Dico in conscientia, quia secundum Bartolum in L. Solutum. 11. 2. de pignor. actio. cogar in foro externo tibi soluere; nisi res debita, quam restituo tuo creditori, si illi obligata; vt si conduxi à te dominum, quam tu conduxisti ab illo; vel nisi mea causa factus sis debitor illi; vt si gerens mea negotia mutuum acceperis. Verum in foro conscientia hæc minimè sunt necessaria; sed sufficit, vt tu verè ex lege iustitia alteri debetas, vt Angelus & Siluest. supra docent.

D V B I T A T I O VI.

Vtrum rei debita interitus excusat.

62 *R*espondeo, & Dico Primò, Si res, quam debes restituere, sit in specie aliena, excularis eius interitus, si non intercessit tua culpa, vel mora, vel paupertas. Secùs verò si aliquid horum intercessit, nisi similiter fuisset peritura apud dominum, vt patet ex dictis cap. 7. dubit. 6. & 8. & cap. vnico, de commodato.

63 *Dico Secundò, Si rem alienam magni pretij in extrema necessitate tua consumpsisti, verius est, te non excusari à restitutione, dum pinguior fortuna obtigerit; sed teneri tacito quodam pacto, quod censetur iure gentium interuenisse: et si contrarium sit probabile. pater ex dictis dubitat. prima huius capit. Si conjuncta in necessitate.*

Dico Tertiò, Si res non sit in specie aliena, sed tua, cius interitus non te excusat. Ratio est; quia res pecunia domino suo perit, vt si pecunia destinata solutioni, surripiatur; vel à confessario, cui executionem cōmisisti, retineatur. Vbi Notandum est, quod sdam existimare in hoc casu quo negotium confessario vel Parochio commissum est, tradita ei pecunia vt restituatur, (ed quod debitor sine sui infamia non possit per se exequi) si eam retineat, debitorem excusari. Ratio illorum est, Primo, quia hic restitutionem quantum in se est fecit, vt debuit & potuit: ergo ab eo non est amplius exigendum. non enim tenebatur per se restituere, cùm id sine suspicione criminis facere non posset; (vti supponimus) neq; poterat inuenire commodiorem & tuorem viam, quām per Parochum, vel confessorem. Secundo, Quia si creditor auctu expresso consensisse, vt fieret hoc modo restitutio, debitior non teneretur ad amplius; sed in hoc casu creditor implicitè & auctu debito censetur consensisse, (quia tenebatur consentire) qui consensus implicitus & debitus eamdem vim habet, quām expressus: ergo excusat.

Sed contrarium est longè verius, vt docet Narrus c. 17. n. 67. & D. Ant. p. 2. tit. 2. c. 4. §. 1. idq; si non exsuffiat res in specie sit aliena, siue non. Si enim non est in specie aliena; vt si mittas pecuniam vel rem tuam tradendam creditori, & non tradatur, tibi perit, etiam si debebas ex contractu. Nisi forte creditor misericorditer vel assignauerit hominem certum, cui numerus: hic enim loco creditoris acceptat, & ita transfertur dominium in creditorem. Vnde si restinetur, creditoris est damnum, vt docet Silvester Restit. 4. q. vlt.

Si verò est aliena in specie, v. g. torquis, vestis, equus, etiam tuo periculo perit & retinetur, si iniuste accepisti. Ratio est, quia intercessit culpa per quam dedisti occasionē damni domino obuenientis. si enim non surripuisse, ille rem suam non amississet. Confirmatur, quia qui rem surripuit, tenetur de casu fortuito, eo quod apud dominum non sic perijset, vt patet ex cap. 7. dub. 8. & cap. 12. dubit. 15. ergo, &c. debebat enim, cùm accepiret, cogitare, similes casus ex surreptione posse evenire.

Ad primam rationem Respondeo, Fecit quidem quod debuit & potuit pro illo tempore, sed cum tacita obligatione, vt si res non succederet, tenetur inire aliam viam, donec damnum re ipsa sit compensatum.

Ad secundam, Dominus non tenebatur consentire, vt per Parochum restitueret; nisi cum onere iterum restituendi, si re ipsa Parochus non exequetur.

Aduerte tamen, contrariam sententiam non videri omnino improbabilem; ob rationes allatas, & quorundam doctorum virorum, qui illam tenent, auctoritatem.

D V B I T A T I O VII.

Vtrum Iuris vel Iudicis auctoritas excusat à restitutione.

67 *R*espondeo, Quibusdam casibus excusat. 68 Primò, Quando res legitimo modo est vsucepta: tunc enim auctoritas legis transfert dominium in eum qui vscepit; de quo supra cap. 6.

cap. 6. Secundò, Quando Iudex in pœnam delicti, per sententiam imponit alicui multam in favorem eius qui iniuriam passus est, oportet tamen sententiam nisi veritate, non falsa præsumptione, de quo infrā. Tertiò, Quando Iudex auctoritatem legū & naturalem aequitatem fecutus, aliquid alicui adiudicat, quod aliis non deberetur ex rigore iustitiae qui hoc percepit, non tenetur restituere, de quo vide cap.7.dub.8. Quartò, Quando aliquis per sententiam ordinis Iuris latam, priuatiss est officio, beneficio, vel hereditate, is qui hanc postea obtinet, non tenetur restituere, etiam si priuatum sciat condemnatum esse innocentem; modò ille causa falsæ illius sententia non fuerit. vide infrā cap.29. dubit.10.

D V B I T A T I O VIII.

Vtrum ingressus in Religionem liberet a restitutione.

69 **M** Edina q. 3. causa 8. docet, debitorem, qui manendo in saeculo poterat soluere, & ingrediendio se reddit impotentem, non posse ingredi Religionem, nisi ante soluerit: quod si ingrediatur & profiteatur, tamen adhuc manere obligatum, & labore suo vel arte, si quam nouit, debere conari soluere. Ratio est, quia iure natura teneatur satisfacere. Contrarium tenet D.Th. q. vltima huic partis art.6.ad 3. & ibidē Caet. Silu.v. Religio.2.q.4. & alij Summissæ omnes, docent enim, non teneri manere in saeculo, sed sufficere si bonis cedat suis creditoribus.

70 **P**ro resolutione Dico Primo, Si debitior ingrediatur & profitetur, omnino valebit profectio, nec poterit reuerti ad statum saecularem. In hoc conueniunt omnes. Idque probat ratio D. Thomæ, qui etiam si sit pecunia debitor, tamen eius persona est libera, unde etiam si concederemus illum male facere, dum se Religioni mancipat, debitis non solutis; tamen illa traditio est valida: sicut si facultates ad soluendum creditori necessarias alteri donares, donatio iure nature valeret; (quamvis in ea peccares) quia res illæ tuæ erant. Secùs est si seruus profiteatur; quia cum persona ipsius libera non sit, sed dominio ex iustitia addicta, non potest validè se alteri donare; ac proinde nec profitari sine domini consensu. Idem dico de coniuge; matrimonio iam consummato; non enim est iurius, secùs est ante consummationem.

71 **D**ico Secundo, Qui debet aliquid extans in specie, non potest omittita restitutione Religionem ingredi. Ratio est, quia hinc nulla est iusta ratio non restituendi. Idem dicendum, si quis sit obnoxius reddendis rationibus, ut ibidem D. Thomas ex B. Gregorio docet, id enim breui tempore fieri potest. Similiter si alicui sint parentes in graui necessitate constituti, aut proles adhuc teneræ aenæ; de quo infrā.

72 **D**ico Tertiò, Si debitior possit breui tempore, ut paucis annis & consuetis laboribus, satisfacere creditoribus, tenetur aliquantis per differre ingressum, ut illis satisfaciat. Ita Petrus Nauarra l.4.c.4. num.94. & Lopez 1.p.c.129. Idem sentit Medina supra, & Doctores Parisienses, quos ipse citat; quia tunc creditores meritò sunt inuiti, si illis antea non satisfaciatur, cum facilis negotio possit. neque tunc

beneficio cessionis se poterit liberare, quia hoc non est introductum, nisi in fauorem eorum qui aliter se à debitis eripere nequeunt.

Dico Quartò, Si opus esset longo tempore, (vt multis annis, vel in solitis laboribus) non tenetur expectare, fed relinquendo omnia sui creditoribus, poterit Religionem ingredi. Ita P. Nauarra n. 95. idem dicunt omnes, qui D. Th. sequuntur. Ratio est; quia qui acta bona non habet, nec est in propinqua potentia ad ea habenda, absoluè censetur impotens ad soluendum, ac proinde ab obligatione restitutionis est excusatus. Neq; obligandus ad insolitus aut lögum laborem, quando dedit quidquid habuit; quia ne Iudices quidem in foro externo ad hoc obligant, vt ex praxi tribunali satius constat. Sufficit enim eis si viderint debitorem omnia quæ actu habebat dedisse, nec breui tempore posse reliqua conquirere. Vnde etiam colligitur, non esse hoc priuilegium Religionis, sed ex natura rei obligationem cessare, vel potius sopia, ratione impotentia. idque non solum locum habet, quando ex cōtractu, sed etiam quando ex delicto est debitum, ut ex furto, vsuris, rapienis. sufficiet enim dare omnia, & non posse breui tempore reliqua soluere.

73 **R**eligionis aliquid peculiaris fauoris hac in re meteat, ut etiam propter illum creditoribus non debeant plus exigere, quam possita est & sine longa mora præstare; præterim cum in longa mora sit periculum salutis, vel dampni spiritualis. Adde, cum quis est debitor ex iusto contractu, potest facilè beneficio cessionis liberari, retentis etiam necessariis alimentis, ut supra ostensum est.

74 **R**eligionis aliquid peculiaris fauoris hac in re meteat, ut etiam propter illum creditoribus non debeant plus exigere, quam possita est & sine longa mora præstare; præterim cum in longa mora sit periculum salutis, vel dampni spiritualis. Adde, cum quis est debitor ex iusto contractu, potest facilè beneficio cessionis liberari, retentis etiam necessariis alimentis, ut supra ostensum est.

D V B I T A T I O IX.

Vtrum excommunicatio creditoris liberet a restitutione.

75 **R**Espondeo, Non esse improbabile posse dif-
ferri, donec Ecclesia reconcilietur. Hoc enim Excommuni-
tenter Adrian. q. 3. de clauibus. §. Si petas, an. &
Felinus in cap. Inter alia, de sententia excommunicationis. Panormit. in d. cap. Inter alia. 31. &
cap. Intelleximus. 7. de Iudicis. Glossa in caput
Absolutos, de hereticis, & quidam alij apud Co-
uart. ad regul. Peccatum, 1.p. n. 8. Probatur Pri-
mo ex cap. Nos sanctorum, 15. q. 6. vbi Grego-
rius VII. sic ait: *Eos, qui excommunicatis fidelitate
ant sacramento constricti sunt, Apostolica auctoritate
à iuramento absolumus, & ne sibi fidelitatem
obseruent, omni ratione prohibemus, quousque ipsi ad
satisfactionem veniant. & cap. seq. Iuratos milites*
R (inquit)